

阿彌陀經通贊疏

釋淨空敬題



阿彌陀經通贊疏

佛陀教育基金會敬印

普為出資及讀誦受持
輾轉流通者回向偈曰

願以此功德、消除宿現業
增長諸福慧、圓成勝善根
所有刀兵劫、及與饑饉等
悉皆盡滅除、人各習禮讓
讀誦受持人、輾轉流通者
現眷咸安樂、先亡獲超昇
風雨常調順、人民悉康寧
法界諸含識、同證無上道

西元二〇〇〇年 佛曆二五四四年
中華民國八十九年二月 恭印 一、五〇〇本

阿彌陀經通贊疏 CH35-40

發行人 ◆ 孔服農

出版者 ◆ 財團法人佛陀教育基金會

地址 ◆ 台北市杭州南路一段55號11樓

電話 ◆ (02)2395-1198 傳真 ◆ (02)2391-3415

劃撥帳號 ◆ 07694977 戶名 ◆ 佛陀教育基金會

E-mail ◆ budaedu@budaedu.org.tw (本會代表號)

E-mail ◆ doctrin@budaedu.org.tw (出版部)

贈送處 ◆ 財團法人佛陀教育基金會

◆ 台北市杭州南路一段55號3樓

行政院新聞局出版事業登記證局版臺業字第三八六九號

敬請

常念

【贈送品：歡迎翻印・功德無量】

南無觀世音菩薩 消災降福

南無阿彌陀佛 求生淨土

佛說阿彌陀經通贊疏序

唐大慈恩寺沙門窺基撰

詳夫理絕衆詮。豈三乘之可攝。智圓萬德。非十地以能觀。布
慈雲而蔭四生。洒法雨而溼九有。由是降神兜率。誕跡迦維。
厭欲樂於王宮。獲真常於覺樹。良以羣生業惑。魔黨增強。騰
苦海以闢三途。溺慈舟而吞萬善。是以高張教網。直指淨方。
是入聖之玄門。乃超凡之妙躅。十重淨土。約地位以等差。九
品蓮臺。契根宜之次第。大哉。迴拋空有之門。獨穎斷常之表。
佛者覺道已圓。說者悲心演法。阿彌陀者無量壽也。經者常
法攝貫也。常則百王不易。法則千代同規。攝則包括衆詮。貫

則通連妙理。故云佛說阿彌陀經也。經如是我聞等。贊曰。將釋此經。略以六門料簡。第一總敘源由。第二別明宗旨。第三彰經體用。第四翻譯時人。第五論於頓漸。第六正釋經文。且初第一總敘源由者。佛從因地發弘誓願。願渡衆生。今赴宿因。故說諸法。故法華經方便品云。舍利弗。當知我本立誓願。欲令一切衆如我等無異。又壽量品云。每自作是念。以何令衆生得入無上道。速成就佛身。若昔因中。若今果位。每皆發願。願令衆生。猶如我身。得入佛道。故酬本願而說諸經。又如論說。菩薩初生時。放大光明。普徧十方。行至七步。觀視四方。作師子吼。而說偈言。我生胎分盡。是最末後身。我已得解。

脫。當復度衆生。爲酬此願。故說諸經。問。世尊說法。處會頗多。何故祇園。又談慈典。答。餘處說法。意趣不同。維摩經卽折其偏執。法華經卽引入一乘。此經起由。爲破三輪故。三種輪者。一爲破無常輪。有情無情皆是無常。令生覺悟捨無常故。二爲破不淨輪。有情無情皆是不淨故。生皈淨土。蓮華化生。捨胎胞血肉之身。破有情不淨也。所居淨土。無諸穢惡。破器世間不淨也。爲破不淨輪故。三爲破苦輪。諸衆生爲苦逼迫故。令歸淨土。除此苦故。爲破此等三種輪故。故說此經。又爲接引二種衆生故。一爲接引懈怠衆生。怯修大行。多諸退屈。故說此經。因微果著。令身不退故。經云。若一日乃至七日。便得

往生等。二爲散亂衆生。馳流諸境。沈淪惡道。故說此經。指示西方。令心專注。故問。處處說法。皆破三輪。何故此經獨彰慈意。答。別經之內。雖破三輪。斷捨時長。不同此典。故說爲破三輪。

第二別明宗旨者。此方先德總判經論有其四宗。一立性宗。維心等是。立五聚法。有體性故。二破性宗。成實等是。破法體有性。唯有相故。三破相宗。般若等是。破法相狀。亦成空故。四顯實宗。涅槃華嚴法華等是。顯於真實中道義故。捨化城而歸寶所等故。此經乃是第四宗也。依文判教。教但有三。以類准宗。宗乃有八。教但三者。一多說有宗。說阿含等小乘教是。

一二多說空宗。中百十二門般若等是。三非有宗。華嚴深密法華及此經等是。有爲無爲名之爲有。我及我所名之爲空。此等三教。處所廣明。宗有八者。一我法空有宗。犢子部等是。二有法無我宗。薩婆多等是。三法無去來宗。大衆部等是。四現通假實宗。說假部等是。五俗妄真實宗。說出世部等是。六諸法但名宗。一說部等是。七勝義皆空宗。般若等經龍樹等說中百論等是。八應理圓實宗。華嚴法華等經及無著等說中道教是。此經乃是應理圓實宗收。卽淨土爲宗。更有二宗。一不說法宗。二說法宗。且不說法宗。龍軍等言。佛唯有三法。謂大定智慧。久離戲論。曾不說法。由佛慈悲本願緣力。衆生識

上文義相生。雖親依自善根力起。而就強緣。名爲佛說。故無性云。隨墮八時。聞者識上。眞非眞說。聚集顯現。以爲教體。故經云。始從成道。終至涅槃。於其中間。不說一字。如母嚙指。子生喚解。二者親光等言。佛身具有蘊處界等。由離分別名無戲論。豈不說法名無戲論。謂宜聞者善根本願緣力。如來識上文義相生。此文義相。是佛利他善根所起。名爲佛說。聞者識上雖不親得。然似彼相分明顯現。故名我聞等。世親說言。謂餘相續識差別故。令餘相續差別識生。彼此互爲增上緣故。由此護法等隨機就事。教說三乘。此經卽是大乘所攝。三藏之中。菩薩藏收。十二分中。無問自說教。問。白蓮華教。待請。

方宣淨土經文。因何自說。答。說法華而待請。恐生輕慢之情。談淨土以自宣。爲顯慈悲之意。旨者。旨趣。令捨穢土趣向淨方之旨也。

第三彰經體用者。且體卽教體。以五門分別。一攝相歸性。皆以真如爲體。二攝境從心。一切唯識。三攝假從實。卽不相應攝歸色心心所。四體用別論門。卽能緣四蘊收。本質相分。各別攝自他。有差別故。五聚集顯現門。如聞諸行無常四字。聚集顯現。以爲教體。唯取佛本質聲名句文四法爲體。若取影像教體。便成有漏。若唯取有漏影像爲體者。卽應真實三寶應唯有漏無記。若不爾者。如何影像教體。故知但取無漏聲

名句文爲體。聲是實。名句文等是假。更有諸師出教體如別處說。用者彰穢顯淨爲用。又顯實證真之用也。

第四翻譯時人者。此經前後有其四譯。一秦弘始四年二月八日羅什譯。名小無量壽經。二宋元嘉年中求那跋陀羅譯四紙。三永徽六年大唐三藏於慈恩寺譯。名稱讚淨土佛攝受經。十紙。四後秦又譯出阿彌陀經偈頌一紙。而失譯主。今此所解者。卽是秦羅什法師所譯。問。三時之中。此經是何時所攝。因此問故。略明諸師判教。初明此土判教。二明西天判教。此土判教而有五人。一魏時三藏菩提流支。此云覺受。以佛一代時教總判爲一時。有二義不同。教似有多。一教同根

異。如天雨是一。所潤三草二木不同等。教法是一。衆生悟解不同。如聲聞緣覺作四諦十二因緣解。菩薩作六度解。約根教似有異。二理同證異。三乘證理不同。如三獸之度河。淺深別故。判教一時。二宋朝三藏曇無讖。判如來一代時教。爲頓漸二時。頓教者。佛一代時。有說二空三性三無性八識二無我等教。皆是頓教。所以華嚴聲聞對目不聞等是。漸教者。佛一代時。有說四諦緣生五八戒等。總名漸教。三梁朝眞諦三藏。判如來一代時教爲三時。一有教。二空教。三非空非有教。且有教者。佛初成道七年已來說有教。五年度五俱輪。第六年化舍利弗。第七年度三迦葉。總名有教。二空教。從第八年

至三十八年已來。總說八部般若等是。三非空非有教。從三十九年。至臨涅槃時。說非空非有教。法華楞伽思益等是。四隋朝崛多笈多二三藏。判如來教爲四時。一生空教。二法空教。三法相教。四觀行教。一生空教。卽十二年前說阿含經等是。二法空教。卽三十八年前說八部般若。三法相教者。卽三十八年後。四十九已來。說楞伽思益法華經等。廣說百法三性三無性八識二無我等是。四觀行教者。卽說華嚴法界觀等是。五晉朝劉居士。山中隱逸。自述意懷。判教爲五時。一人天教。二生空教。三法空教。四俱空教。五非空非有教。人天教者。卽佛成道後。三七日內。爲提謂長者說三歸五戒十善等。

是。未有出世善根器故。覺受難云。提謂經說五百賈人將受
五戒。先懺悔五逆十惡。謗法等罪。世尊言。四大本淨。吾我本
淨。提謂得不起法忍。卽無生法忍。五百賈人得柔順忍等。皆
是證聖。豈是人天教耶。二生空教者。卽十二年前說二乘之
教是。三法空教。卽三十年前說者是。四俱空教者。卽三十八
年前說八部般若。是五非空非有教者。卽四十年已來說法
華楞伽等經是。二西天判教者。一勝義俱空宗判教。二應理
圓實宗判教。且初。那爛陀寺師子覺智光等。依文殊爲宗主。
判教爲三時。一生空。二非空非有。三俱空。且生空者。卽廣說
二乘等教是。二非空非有教者。卽法華等是。三俱空。卽八部

般若是。第二應理圓實宗判教者。卽那爛陀寺有論師名戒賢。依彌勒菩薩爲宗主。判教爲三時。一有教。一代時教說有處是。二空教。但說空處是。三非空非有教。但說非空非有處是。依圓是有。徧計等無是。眞諦但以將教就時。此非也。戒賢論師將時就教爲正。難眞諦云。佛成道後第二七日說華嚴經。豈是第一時教。又言四十年後非空非有是第二時教者。卽佛臨涅槃說遺教經。豈是第三時。戒賢將時就教判爲正。此經詮淨土依圓是有。徧計等無。卽是非空非有教也。

第五論頓漸者。曾得二乘果。發心向大者。名爲漸悟。由生數少。或全無故。若從二凡而歸大者。卽頓悟攝。未曾證悟二乘

理故。生數猶多。不名漸悟。涅槃經云。但說初果迴心八萬劫。乃至辟支迦十千劫。既不說資加二位劫數多少。明知五果迴心方名漸悟。若七方便迴心。但是頓悟收。曾發二乘心。曾修二乘行。求歸大者。皆名漸悟。具彼性故。修彼行故。聞思悟解。亦名爲悟。何必證悟。况復亦有生數少者。謂已定生。卽此生。及一坐順決擇分等。涅槃經且說五果迴心而論劫數。亦不遮七方便迴心亦名漸悟也。故知資加二位既亦有生數少。明知迴心皆是漸悟攝。此之二師。第一師有教有理。第二師無教有理。此經者。一心不亂。十念專精。便往淨土。頓拋濁世。卽頓教所收。故經云。若一日乃至七日。一心不亂等。

